



# ÁBHAR LE HAGHAIDH SEAICÉAD TARRTHÁLA



<b>Trealamh:</b>	Marla, ábhair éagsúla chun seaicéad tarrthála a dhéanamh, m.sh. corc, spúinse, olann cadáis, polaistiréin, nuachtán, clúdaigh buidéil.	
<b>Leibhéal Ranga molta:</b>	Na ranganna is óige	
<b>Ullmhúchán:</b>	<p>Bheadh sé úsáideach rang a dhéanamh roimh ré faoi “Snámh agus dul faoi Uisce”: an t-uisce ag sá suas agus iad ag iarraidh balún, mar shampla, a bhrú faoin uisce; agus an chothromaíocht idir fórsa an sá suas sin agus an fórsa domhantarraingte síos.</p> <p>Ba chóir dóibh nithe éagsúla a fhiosrú san uisce. .I. Tuar agus tástáil a dhéanamh le féachaint an snámhann siad nó an dtéann siad faoi.</p>	
<b>Eolas Cúlra:</b>	<p>Snámhann nithe atá níos éadroma ná uisce (.i. le dlús níos ísle), agus téann nithe atá níos troime ná uisce faoi (.i. le dlús níos airde).</p> <p>(Seachain an téarma ‘dlús’ le leanaí bunscoile).</p> <p>Is féidir nithe níos troime a chur ar snámh ar bhealaí éagsúla, m.sh.</p> <ol style="list-style-type: none"> <li>1) A gcruth a athrú, más féidir (trí mharla a tholladh mar shampla)</li> <li>2) Ábhar an-éadrom a cheangal leo ionas go mbeidh siad ‘éadrom dá méid’ (m.sh. bandaí snámha agus seaicéidí tarrthála a mhéadaíonn méid an duine gan mórán a chur lena meáchan).</li> </ol>	
<b>Ceisteanna Spreagtha:</b>	<p>Cad a tharlódh do liathróid marla má chuireann tú in uisce é, dar leat - an snámhfaidh sé nó an rachaidh sé faoin uisce?</p> <p>Conas is féidir é a chur ag snámh dar libh? (B’fhéidir go ndéarfadh na leanaí gur cheart é a tholladh (Féach ‘Dearadh Báid’ sna bileoga Gníomhaíochta DPS).</p> <p>Ba chóir a iarraidh ar na leanaí ansin an marla a mhúnlú i gcruth duine agus an cheist chéanna a chur orthu</p> <p>Cad a tharlaíonn nuair a léimeann tú isteach in uisce domhain - an rachaidh tú faoi nó an snámhfaidh tú?</p> <p>Conas is féidir fanacht ar barr? (Snámh, snámhaíl, nó bandaí snámha lán d’aer, aerchlár nó seaicéad tarrthála a úsáid)</p> <p>Cad ba chóir duit a chaitheamh nuair a théann tú amach i mbád? (Seaicéad tarrthála).</p> <p>Cén cineál ábhair ba chóir seaicéad tarrthála a dhéanamh as, dar libh? (D’fhéadfadh na leanaí labhairt faoi ábhair éadroma nach súnn uisce isteach mar go ndéanfadh sé sin níos troime iad).</p>	
<b>Comhábhar:</b>	<p><b>EOLAÍOCHT:</b> Fórsaí: snámh agus dul faoi uisce</p> <p>Ábhair: Airíonna agus tréithe</p>	
	<b>MATA:</b>	



# ÁBHAR LE HAGHAIDH SEAICÉAD TARRTHÁLA



<b>Scileanna:</b>	Fiosrú, pleanáil, déanamh, measúnú.
<b>Nascanna Traschuraclam:</b>	OSPS – Sábháilteacht san uisce. Súnn an chuid is mó de na héadaí agus de na bróga uisce isteach agus déanfaidh sé sin níos troime tú agus rachaidh tú faoi. Sin é an fáth go bhfuil sé tábhachtach do bhróga agus an chuid is mó de do chuig éadaí a bhaint má thiteann tú isteach in uisce trí thimpist.
<b>Gníomhaíocht:</b>	<p>1. Fiafraidh de na leanaí “An féidir libh cruth duine a chur ar phíosá marla?”</p> <p>2. Taispeáin na hábhair éagsúla dóibh ansin agus fiafraigh “An féidir libh a rá cén ceann díobh seo is fearr chun seaicéad tarrthála a dhéanamh?” “Cén fáth go gceapann sibh é sin?”</p> <p>3. Iarrtar ansin orthu bealach a fháil chun an t-ábhar a cheangal leis an ‘duine’.</p> <p>4. Déantar tástáil ar na hábhair éagsúla ansin le fáil amach cén cheann is fearr a chabhraíonn leis an ‘duine’ snámh.</p> <p>5. An féidir leo na hábhair a chur in aon ord? más féidir, cad iad na cúinsí atá á n-úsáid acu (.i. cén fáth go bhfuil siad á gcur san ord seo?)</p> <p>“Cén t-ábhar a dhéanfaidh an seaicéad tarrthála is fearr?”</p> <p>“Cén t-ábhar a dhéanfaidh an seaicéad tarrthála is measa?”</p> <p>6. An féidir an teist a dhéanamh chomh cothrom agus is féidir?</p> <p>Measúnú: Fiafraidh de na leanaí: “Conas ar éirigh le bhur ndearadh?”</p> <p>“Dá mbeadh sibh á dhéanamh arís an ndéanfaidh sibh ar bhealach eile é?”</p> <p>N.B.</p> <p>1. Is féidir an ghníomhaíocht seo a dhéanamh le figiúr beag plaisteach ar nós fear Lego in ionad marla, chun am a shábháil.</p> <p>2. D’fhéadfadh sé a bheith deacair an figiúr a chur ar snámh béal in airde. B’fhéidir go mbeadh oraibh a bheith sásta leis an bhfigiúr a chur ar snámh fiú má bhíonn sé béal faoi!</p>
<b>Sábháilteacht:</b>	
<b>Gníomhaíocht leantach:</b>	<p>Má bhí na leanaí ag foghlaim snámha an féidir leo a fháil amach cad a chabhraigh leo snámh sna ranganna tosaigh, .i. cén t-ábhar a raibh na bandaí snámha, na cláir nó cibé rud a d’úsáid siad, déanta as?</p>

